



Soucomz Ndit

收

集

阳

光

Neix dwg naed ceh he, naed ceh bingzciengz he, ninz youq ndaw namh laeprau gyoetgyat.

De siengjmuengh ndawbiengz gwnz dieg, dingq duzmoed naeuz, gwnz dieg cix mbouj lumj gyoengqde siengj haenx mbwqmbat. Gwnz dieg miz go' nywj heuyau, miz dujva ndingyan, miz raemxrij lamzcwng, lij miz ndit raeujrub. "Ndit dwg gijmaz?" Naedceh cam. "Ndit dwg gij doxgaiq gwnzbiengz ceiq ndei haenx." Duz-

moed dap naeuz.

Naedceh lijdwg mbouj rox gij vah duzmoed, aiqdwg gij vah neix daiq laeg lo, naedceh gig siengj caenda yawjyawj gij yienghcej ndit dwg baenzlawz.

Doeklaeng miz ngoenz he, naedceh ndonj ok najnamh, de caen yawjraen go' nywj hauyau, dujva ndingyan, raemxrij lamzcwng lo, hoeng de baenzlawz hix yawj mbouj raen ndit.

De cam mbungqmbaj henndang: "Mwngz dwg ndit lwi? Gou yawjraen mwngz baenzneix gyaeu-ndei."

Mbungqmbaj riu lo: "Docih mwngz haenh gou, mboujgvaq gou mbouj dwg ndit ne." "Yienghneix ndit dwg gijmaz ne?" Naedceh cam. "Ndit couh dwg gij doxgaiq seizseiz cungj hawj mwngz raeujrub, de gizgiz cungj miz."

Mbungqmbaj mbin bae lo, naedceh lijdwg buenq rox buenq mbouj, mboujgvaq de miz di rox lo.

Mwh de yungh rag angq dwk supgwn raemx seiz, de roxnyinh gig raeujrub. Mwh duzndwen bang de soeng namh, de roxnyinh gig raeujrub. Mwh rumz riunyumj ci coh de, de

roxnyinh gig raeujrub.

Aeya, laxlawz lajbiengz miz baenzlai ndit ha!

Naedceh aeu gij ndit de gamjsouh daengz haenx cungj soucomz youq doxcaez, dawz ok gij mak vandiemp. Seizneix, de gaenq mbouj dwg naedceh lo, wnggai heuh de guh gofaex hung lo.

Duz roeg dwggyaez he gwn gij mak vandiemp de: "Gou cam mwngz, mwngz dwg ndit lwi?" Dingq daengz aen vwndiz neix, gofaex hung lumj daj gwnz ndang duzroeg yawjraen doenghbaez swheij nei.

Baezneix, de caencingq rox gij hamzeiq ndit lo.

Laxlawz, moix boux vunz cungj ndaej baenz ndit. Caiq gangj, mwh mwngz soucomz gij ndit bouxwnq hawj mwngz, mwngz doengzseiz hix aeu ndit hawj bouxwnq, mwngz soucomz gij ndit haenx, dwg gij ringiek bang mwngz guh ndaej baenz. Ndit gizgiz cungj miz. (Yinghsuj)

Gou Lawh Daxmeh Bae Cawx Bya

我替妈妈去买鱼

Singhizroek, ndaw ranz daeuj haujlai vunzhek. Daxmeh gyau hawj gou aen yinvu he—bae hawbyaek cawx bya.

Ndaw hawbyaek vunz lai vunz daih, nauhyied dangqmaz. Gou caenx haeuj baihnaj dan gai bya bae, raen boh' au Cangh cingq gai bya.

Gou naeuz: "Au Cangh, meh gou ciengz youq mwngz gizneix cawx bya. Ngoenzneix daxmeh mbouj ndaejhoengq, heuh gou daeuj cawx bya, mwngz gai hawj gou cienh di bw."

Au Cangh riuha naeuz: "Nienzgeij iqet couh rox gangjgyaq. Ndae ha, hawj mwngz aen gihvei he!" De dawz swx bya cuengq hwnj gwnz caengh bae,

naeuz: "Swx bya neix lienx bya daiq swx naek 14 ciengwz, aen bouqlaeuj he cawx bya bae buenq he, haxbaenh mehsimj he youh cawx gij bya lw roengz haenx bae buenq he, seizneix bya caeuq swx naek 5 ciengwz. Mwngz suenq ndaej ok ndaw swx lij miz geijlai ciengwz bya, gou couh gai gyaqcienz ceiq daemq hawj mwngz!"

Gou dwg boux vunz mbouj fug saw he, gou sikhaek doengh'uk naemj.

14 ciengwz caeuq 5 ciengwz cungj bauhamz aenswx naek, ndaej suenq ok gaenq gai 14-5=9 (ciengwz) bya. Yienzhaeh fanj gvaqdaej siengj, aeu gij bya ndaw swx seizneix yawj guh 1 faenh, mehsimj cawx

bae haenx hix dwg 1 faenh; mehsimj daeuj gaxgonq couh dwg 2 faenh, gig cingcuq bouqlaeuj cawx bae haenx hix dwg 2 faenh. Ndigah, bya ndaw swx yienzlaiz couh dwg 4 faenh, gaenq gai ok le 3 faenh.

Siengj daengz neix, gou angq dwk naeuz: "Gou suenq ndaej okdaej lo, seizneix ndaw swx lij lw 9÷3=3 (ciengwz) bya, aen swx neix dwg 5-3=2 (ciengwz)!"

Au Cangh yaengx mehfwnz coh gou naeuz: "Mwngz caen ak ha! Ndei, gou gai ceiq cienh hawj mwngz……"

Gou hawj cienz le, angqvauvau ma ranz caeuq daxmeh "iu goeng" lo.

(seiq nienzgaep Cangh Sijsenh)



Gouhhaiz Saenzgeiz

神奇的鞋子

Moix boux vunz cungj miz gij saeh swheij siengj guh haenx, lumj: Siengj hag ganghginz, siengj gwih danci, siengj hag diuqfoux, siengj hag ciengqgo, daengjdaengj. Mwngz rox gou siengj guh gijmaz lwi? Gou siengj fatmingz sam cungj haiz saenzgeiz.

Cungj haiz daih' it gou siengj fatmingz haenx dwg haizbyaijvaiq. Danghnaeuz mwngz siengj bae giz dieg he, hoeng seizgan gaenj, ndaej naenx aen annuij saekgyaemq gwnz gouh haizbyaijvaiq, de couh daiq mwngz riengjret baedaengz giz mwngz siengj bae haenx.

Cungj haiz daihngaih gou siengj fatmingz haenx dwg haizraejliengz. Seizdoengz, danghnaeuz mwngz roxnyinh din gig gyoet, ndaej naenx aen annuij saeknding gwnz gouhhaiz, gig vaiq, din mwngz couh lumj youq ndaw denz haenx raeujrub lo. Seizhah, roxnyinh din miz di ndat, mwngz couh naenx aen annuij saeklamz gwnz gouhhaiz, din mwngz couh sikhaek liengzsiso lo.

Cungj haiz daihsam gou siengj fatmingz haenx dwg haizciengqgo. Mwh mwngz siengj diuqfoux, naenx aen annuij gwnz gouh haizciengqgo, de couh sikhaek boq gij go mwngz siengj dingq haenx. Doengzseiz de lij rox riengz singgo yubyab rongh gak saek daengrongh ne!

Baenzlawz yiengh? Sam cungj haiz neix gig saenzgeiz ba! Gou siengsaenq, cungj miz ngoenz he gou itdingh fatmingz ok gij haiz neix.

(seiq nienzgaep Cwnz Swjmoz)

Saehgienh Geuvunj

裙子风波

Gvaq geij ngoenz couh daengz ngoenzseng gou lo, daxmeh dapwngq cawx buhvaq hawj gou guh saenzcingz ngoenzseng.

Dauqdaej caj daengz bae cawx buhvaq ngoenz neix lo! Dou bae yawj gij buhvaq daxmeh yawjndei gonq, siengj mbouj daengz song geu vaq cungj mbouj habngamj, geu vunj hix hung lai, hoeng gou gig gyaenz cungj vunj baenq hwnjdaej byaivunj hunghwdhwd neix, daxmeh cix gangj de youh hung youh mban, mbouj cawx lo. Gou sikhaek vei ndaej raemxda rimrad, baez yaepda, de couh "dikdaek" roengzdaej lo. Daxmeh gangj: "Mbouj gaenj, raeuz

aeu cawx gij ceiq ngamj bonjfaenh raeuz cij ndaej ha." Daxmeh vaiqvet youh yawj hwnj lingh geu vunj, maxxq miz di iq, hoeng gyaqcienz maqhuz ngamj, daxmeh couh cawx roengzdaej lo, gou gig mbouj angq.

Ngoenz daihngaih gou daenj vunj moq bae hag, siengj mbouj daengz ndaejdaengz gyoengqvunz haenh ndei, caezgya cungj naeuz ndei yawj dangqmaz. Sikhaek gou hix roxnyinh raeujrub, yienzlaiz caengz bwnyungz ndawvunj gig dangj ndaej rumz. Gou laebdaeb daenj le aen singgeiz ndeucungj sij mbouj ndaej duet bae.

Daxmeh naeuz: "Caj mwngz caiq majhung di, mwngz couh



ndaej swheij dingh cawx cungj buhvaq lawz, seizneix mwngz lij iq, daxmeh beij mwngz rox yawj." Gou ngaekngaek gyaeuj, mbouj caiq ngwn lo.

(Cangh Sauhanz sij Ouh Caijfangh hoiz)